

Papru IPISIUNMAYĀ SHUARAN papí akuptukma

Ipisiunmaya Yus-shuaran Papru áatramiania nu

¹ Yus nuna wakerakui Jesukrístu akatramuitjai. Jesukrístu nekas enentáimtusrum Yus-shuar ajasrum Ipisiunam pujarmena nuna ju papin áatjarne.

² Yus ii Aparísha tura ii Uuntri Jesukrístusha waitnentramaiania ásar imiatkinchanum shiir pujustinian yainmakarti.

Krístujai tsanĩkiu asakrin Yus ti shiira nuna tsankatramji

³ Ii Uuntri Jesukrístu Apari Yus nekas shiir awajtustiniaiiti. Iisha Krístujai tsanĩkiu asar ii enentáin ashí nayaimpinmaya ana nujai warasminiaitji. Túmaitkiui Yus nu waratain ashí suramsaitji.

⁴ Krístujai uwemprar ti shiir tunaajainchu Niijjai pujusarat tusa Yus, ju nunka atsaisha, anaitiamkamiaji.

⁵ Yámankamtaiksha incha ti anenmak Jesukrístu túrunamujai ni uchiri ajasat tusa wakerutmakmijai.

⁶ Ni aneamu Uchirijjai tsanĩkiu asakrin nekas ti anenmaji. Nu enentáimsar ti shiir awajsatniuitji.

⁷ Yus ti anenmakrin ni aneamu Uchiri numpé puarmatai, nu jakamujai ii tunaarin akikmatramak uwentikrampraitji.

8 Tura ti anenmak ni enentáimtairin tura nekatairincha suramsamiaji.

9 Nujai shiir enentáimturmak in uwemtikram-pratniun wakerutmakmiaj nuna, yaunchu nekaachman, yamá paant awajturmaj.

10 Ashí jú nunkanam írúnna nunasha tura nayaimpiniam írúnna nunasha Kristu ashí akupin ati tusa Yus tsan̄katakattawai. Nunasha Yus yaunchu enentáimturú asamtai tsawant jeamtai ashí uminkíáttawai.

11 Iisha Kristujai tsaniñkiu asakrin Yus yaunchu achirmakmiaji ashí Niiniu ana nuna tsan̄katramkatniun. Nunasha, ashí Nii túrana núnisan, aya Nii wakera asa túramiayi.

12 Iikia Israer-shuar asar Kristu emka umirkakrin in imiá pen̄ker túrutmamun nekaawar ashí shuar Yúsan ti shiir awajsamin áiniawai.

13 Núnisan atumsha nekas uwempratin chicham antukrum Kristu nekas enentáimtusurme. Túrarum Kristu-shuar ajasakrumin Yus ni shiir Wakan̄in akuptuktaj timia nuna akupturmakmai. Nuna tura “nekas Wíi shuaraitrume” tawai.

14 Yamái Yusa Wakan̄i ii enentáin pujuruk tuke uwemtikramji. Tura takas umik nu tsawantai ashí tsan̄katramkattaji. Tura ii enentáin pujá asamtai Yus ukunam Niijiaisha ashí tsan̄katramkattaj nu paant nékaji. Maa, Yus ti pen̄ker asamtai Nin ashí ti shiir awajjarti.

Papru Yus-shuaran áujtusmiania nu

15 Átum ii Uuntri Jesukristu nekas enentáimtamuncha tura ashí Yus-shuarjai shiir awajnaiyamuncha antukjai.

16 Túran shiir enentáimkiun Yúsan áujkun tuke yúmin̄kiajai.

17 Ii Uuntrī Jesukrístu Aparī Yus ti shiir asamtai Nin áujeakun ni Wakan̄i ni nekatair̄in suramas ashí jintin̄tramawarti tusan seajai. Nujaī nuna nan̄kaamas Yus nekaattarme.

18 Tura enentáimin̄cha paant enentáimtikramprarti tusan seajai. Nujaī shiir túrutmataj tusa achirmakuitrum nu nekaattarme. Nu arantcha imiá shíira nu, Yus ni shuar̄in ashí tsan̄katkattana nusha nekaattarme.

19 Nu arantcha Yus umirkurin ti kakaram tujin̄cha asa in yáin̄maj nu nekaattarme. Tura nu kakaram ti kakaram asamtai

20 nujaī Krístun jakamunmayā iniantkimiayi. Tura nayaimpiniam jukí ni untsuurin̄i akupin pujutainium apujsamiayi.

21 Tura ashí jū nun̄kanam akupin ainia nújaisha tura ukunam nun̄ka átatna nūi akupin áminia nújaisha tura ashí akupin ainia nújaisha tura ashí naarī nékamu ainia nujaīsha Yus Krístun ashí nan̄kaamas akupin najanamiayi.

22 Tura ashí írunna nu, Krístun umirkartin áiniawai. Tura Yuska Krístunak ashí Yus-shuarā Akupniur̄i awajsamiayi. Túramtai Kristu ni shuarī muuké áintsan̄kete.

23 Tura ashí nun̄kanam Yus-shuar̄ ainia nu Kristu ayash̄ī najanainiawai. Tura Kristu ashí ni ayash̄in̄ pimiutkaiti tura nu arantcha ashí írunna nunasha pimiutkaiti.

2

Yus anenma asa uwemtikramji

1 Átum yajauch túrakrum tunaanum tuke wekaakrum Yúsnumia kanakin asarum jákauyarme.

2 Nu tunaanum jú nunkanam pujuinia nujai métek tuke wekainiuyarme. Túrarum uunt iwianchi wakeramuri umirniuyarme. Uunt iwianch ashí Yúsan umirainiatsna nuna akatenawai.

3 Ashí iisha núnisrik yaunchu nu shuarjai métek ii ayashí wakerakmu umirniuyaji. Tura íi enentái wakeramusha umirniuyaji. Tuma asar tura tunaajai akiinia asar chíkich shuarjai métek ti kajernakmiaji.

4 Antsu Yus ti waitnenkartin asa in ti anenmamiaji.

5 Tuma asa ii tunaanum tuke jaka pujarnin Krístujai métek iwiaaku awajtamsamiaji. Aya ti anenkartin asa uwentikrampramiaji.

6 Tura Krístujai métek iniantamkimiaji. Nuyá Jesukrístujai métek, akupin pujutainium yamaisha apujtamas tuke nupetkatniun tsankatramkaitji.

7 Nujai ni ti anenkratmarincha tura Kristu túrunamujai waitnentrampamuncha tuke iniaktusmin átatui.

8 Jesukrístu nekas enentáimta asakrumin Yus waitnentramar uwentikrampraiti. Juka átumkeka túrunachuitrume. Antsu Yuska Niñki kuítchajai suramsaitrume.

9 Shuar ni takatríjjai uwempratniuitkiunka nankaamantu enentáimsainti winia kakarmarjai uwemprajai tusa. Nu enentáimsatniuka atsutí tusa Yuska átumka takaatsrumniñ uwempratniun suramsamiarme.

10 Yus najanamuitji. Kame Jesukrístujai tsaniákrin yamaram iwiaakman suramas tuke péñker túratniun najatmamji. Yáunchuk nuna enentáimturmasmiaji.

Krístujai tsaniñkiu asar shiir nawamnaikiar pujaji

11 Nuik ámarum nu enentáimpratarum. Ashí Israer-shuar ni ayashín tsupirnaku ásar ashí Israer-shuarchan, tsupirnakcha ániakui, penké Yúsnachua núnis enentáimtuiniawai. Tura atumsha Israer-shuarcha asakrumin “tsupirnakcha” turamniuyarme.

12 Nuik Krísturtinchauyarme. Israer-shuarcha asarum ashí ni túrutairisha tura ashí Yus nin tsan̄katkarmasha nekaachuyarme. Tura jú nun̄kanmaya asarum nekas Yusa nu enentáimtichuyarme tura shiir pujustin náñkamsarum enentáimpramarme.

13 Antsu yamaikia Krístujai tsaniñkiu asarum, yaunchu Yusaíya yajá pujuwitiatrum, yamaikia Kristu numpé puármatai ni jarutramkamujai tántaitrume.

14 Israer-shuarjai Israer-shuarchajai nemasmanaikiar ajapén péen̄kramu ámiaji. Tura Kristu nuna sáaki nawamnaimtikramkamiaji. Tura chikichik shuar najatmamiaji.

15 Nuik aya Israer-shuar Muisais akupkamu untsurí armia nuna umirkatin ániak nujai chíkich shuarjai nemasmanainiarmiayi. Tura Kristu jaka nu akupkamun ántar awajas chikichik shuar yamaram awajtamsamiaji.

¹⁶ Núnisan_ ámiayi. Kristu krúsnum jaka nemasjaj_ mai apattamak chikichik awajtamas Yusjajsha nawamnaimtikramkamiaji.

¹⁷ Kristu taa nawamnaikiatniun chichaman Israer-shuaran ujakmiayi. Tura nu chichamnak atumin Yus nékachuyarmena nunasha ujaktinian akupkamiayi.

¹⁸ Yamaikia Israer-shuartisha tura Israer-shuarchasha mai metek Kristu túrunamujaj_ tura Yusa Wakanj_ takaku asar Yusaj_ jeatniuitji.

¹⁹ Tuma asamtai yamaikia chíkich shuarchaitrume, antsu ashí Yus-shuarjaj_ métek ajasuitrume. Nekas Yusa shuarjintrume.

²⁰ Átum uunt jea_ jeamma núnisaitrume. Uunt jea_ jeamtin, emka kaya apujtuktiniaiti jea_ ti wewe atí tusa. Núnisan_ yaunchu Yúsnan etserniusha tura Kristu akatramurjsha Yus-Chichaman etserainiak imiá nekas enentáimtustinia nuna apujtukarmiayi. Tura ashí nujaj_ nankaamas Jesukrístu enentáimtustiniaiti.

²¹ Jea_ apujtukmarj_ Kristu asamtai Nij_ ti penker ekeniar jea_ jeamnaki wéawai. Tura ii Uuntrj_ Krístujaj_ Yusa Jee_ ti shiir átatui.

²² Núnisrumek atumsha Krístujaj_ tsanin_kiu asarum átum ashí Yus-shuarjaj_ Yusa Jeeya áintsan_ ajasuitrume. Tura Yusa Wakanj_ ashí Yus-shuara enentáin_ pujú asamtai nekas Yusa Jee_nte.

3

Papru Israer-shuarchanum Yus-chichaman et-serkatniuya nu

¹ Nu asamtai atumin Israer-shuarchatirmin yáintaj tusan Jesukrístunu étserkun sepunam puja-jai.

² Yus anentak Yus-Chichaman atumin etserkatniun akatar akuptukuíti. Nu nékatsrumek.

³ Yus nuna túrutak yaunchu nekaachmancha paant awajtursamiayi. Núnaka ishichik áatraitjarne.

⁴ Nu áujsarum Krístunu yaunchu nekaachman yamaikia paant nékajna nu nekaattarme.

⁵ Nú chichaman yáunchusha chikichinkesha ujankachmiayi. Túrasha yamaikia Yusa Wakani Krístu akatramuríncha etserniuríncha nu chichaman paant awajtusarai.

⁶ Nu chicham juíti: Uwempratin chichaman umirkar Israer-shuarcha Israer-shuarjai métek Krístujai tsanínkiaru ásar chikichik shuar ajaratui. Tura nu arantcha Yus ni shuarín ashí shíiran tsan₁katkatniun anajmatrama nu₁ métek pachiinkiertatui.

⁷ Yus ni kakarmarijjai winia yáintiuk tura ti anentu asa nu uwempratin chichaman etserkat tusa akatturmiayi.

⁸ Ashí Yus-shuarjai nan₁kaamas wi pé₁kercha a₁n Israer-shuarchanum shiir chichaman etserkat tusa Yus tsan₁katrukmiayi. Krístujai₁nkia kuitjai nan₁kaamas pé₁ker, enentáimtustin jeatsjinia nu, takakji. Nusha ti shiir chichamaiti.

⁹ Yuska, ashí najana nu, nu enentáimmian yáunchusha etsertsuk yamaikia ashí shuar nu chichaman nekaawarat tusa winia akatturmiayi.

¹⁰ Yamaikia ashí nayaimpiniam pujuinia nuka Yus ni shuari₁n túrunamun ísar Yuska imiá neka

asa ashí enentáimniua nuna paant nékainiawai.

¹¹ Yus júnis túratniun yáunchuk enentáimpramiayi. Tura ii Uuntri Jesukristujai mash uminkiamiayi.

¹² Tura Krístujai Yusai yúpichuch jeaji. Tura Nin nekas enentáimtusar sapijmiatsuk Niin tantamni-aitji.

¹³ Tuma asamtai tájarme, atumin yáintaj tusan sepunam pujakui kúntuts enentáimprairap. Antsu nujai Yus atumin ti shiir awajtamkurmin átum warasuk tusan wakerajrume.

Kristu ti anenkratniuiti

¹⁴ Nu asamtai ii Uuntri Jesukristu Aparín tikishmatran áujtajrume.

¹⁵ Ashí nayaimpinmasha tura nunkasha Yusshuar ájinia nu nekas ni shuari áiniaji.

¹⁶ Yus ti kakaram asa ni Wakanjijai atumí enentáin pujureak ashí ni kakarmariyan atumin suramsarat tusan áujtajrume.

¹⁷ Yus nekas enentáimtakrumin Kristu atumí enentáin pujusat tusan áujtajrume. Tuke yapajítsuk anenkratin átarum tusan áujtajrume.

¹⁸ Túrakrum ashí Yus-shuarjai Kristu anenkrattairi nekaattarme. Imiá uunt asa nanakantsuk tuke amuukachminiaiti.

¹⁹ Nu anenkrattai ashí takamtsuk nekaachmin aijn nekaatarum tusan áujtajrume. Nujai Yus takamtsuk pimiutramkattarme.

²⁰ Nekas Yus shiir awajnasti. Ni ti kakaram asa ii seajnia nuna nankaamas tura enentáimprachminia nunasha nankaamas iin pujurtamuk ashí túramniaiti.

21 Ashí Yus-shuarjaisha tura Krístujaisha Yusa péñkerj tuke paant wantinin atí. Yus tuke iniait-suk shiir awajnasti. Núnisañ atí.

4

Yusa Wakaníjiaí tsanínkiar pujakur túratin

1 Atumsha ni shuarj ajastin Yus achikma asarum péñker wekasatarum tájarme. Ii Úuntriniun étserkun sepunam pujakun seajrume.

2 Nekasmiancha ajasrum aneniakrum katsun-nairatarum.

3 Yusa Wakanj chikichik shuar awajtamkurmin shiir awajnaisarum pujustarum.

4 Yusa Wakaninkia chikichkiiti. Tura ashí métek Yus achikma asar métek Niijjiaí shiir pujustin enentáimji. Iisha Kristu ayashí ayashímkia asar chikichik ayashkiitji.

5 Ii Uuntrj chikichkiiti. Niñki nekas enentáimtusar métek imiantiniaitji.

6 Chikichkiiti Yus, ashí Yus-shuarti ii Aparínti. Ashí akuptamniuitji. Ashí ni shuarjín pujak ii enentáin pujurtamji. Ti nekas ashí mash, Israer-shuartisha Israer-shuarchasha, imiá chikichik ajasuitji.

7 Tura chikichik chikichik niisháa shiir takastinian suramsaitji. Tura Kristu wakerimia núnisañ suramsaji.

8 Nu asamtai Yus-Papiniumsha tawai:

“Achikman jukí nayaimpiniam wakamiayi. Tura shuáran shíran susamiayi.”

Tu áarmaiti.

9 Tura “wakamiayi” tana nu ¿warintiua? Kristu nayaimpiniam pujá asa yakí wákaṅka emka tárashṅkai. Nekas nuṅká taramiayi.

10 Niṅki ataksha nekas nayaimpiniam wakamiayi. Nuna tura asa ashí ni shuarin pimiutkarmiayi.

11 Tura nujai chikichan akatramun awajsamiayi. Chikichnasha Yúsna etserniun awajsamiayi. Chikichnasha uwempratin chichaman etserniun awajsamiayi. Chikichnasha Yus-shuara wáinniun awajsamiayi. Tura chikichnasha unuikiartinian awajsamiayi.

12 Túramtai ashí Yus-shuar ni takatrijiai yáiniaikiar ti penker shuar ajainiakui Kristu ayashi takamtsuk katsuarartatui.

13 Nujai Yus nekas enentáimtamunam Yusa Uchiri ashí métekrak penker nekaattaji. Nu túrakur katsukir Krístujai métek penker ajastatji.

14 Tura uchía áintsar áchattaji. Úchikia ashí yamaran chichaman antukar wari yapajiniawai. Tura anaṅkartinia chichamen antukar waaku áiniawai. Kame nu anaṅkartin shuar ti paant chichayatan ni shiir chichamejai anaṅkatniun pujurenawai.

15 Antsu nekas aneniakur nekas chicham ujanaiktiniaitji. Túrar Krístujai tsaninkiar tuke tsakakir ashí penker túratniujai Niijiai métek ajastatji. Krístuka ashí ni shuari muuké áintsanṅkete.

16 Tuma asa ni ayashin wáinkui ashí nuna muchitmarj penker yáiniaikiar ashí ni túratniurin shiir takasartatui. Nujai nu ayashnium muchitmarj chikich chikich penker takainiak métekrak shiir tsakartatui. Tura anenainiakui nu ayashsha

pénker úuntmartatui.

Krístujai tsaniñkiu asar yamaram iwiaakmanum wekaaji

¹⁷ Ii Uuntri Kristu ímmianum juna akatjarme: Chíkich aents Yúsan nékachu ásar ántar ni enentáimmiajaïn wekainia núnisrum wekasairap.

¹⁸ Ni enentáin kusuru áiniak Yusna nuna nekaatniun wakeruiniatsui. Tuma ásar shiir wekasatniun, Yus amaana nuna, nékainiatsui.

¹⁹ Nu arantcha, ni túramurijjai natsamtichu ásar ti yajauchiniam surumakar ashí tunaan wararainiak túrin áiniawai.

²⁰ Antsu átumka núnisrum enentáimtustin unuimiarchamarne.

²¹ Nekas Nii anturkaitkiurmeka tura Jesus nekas tama Kristu unuiniarmaitkiurmeka Nin shiir enentáimtustin unuimiarmarme.

²² Yaunchu enentáimtairmeka ayash wakeramu anan̄kramin ainia nujai piaku asa imiá yajauchiiti. Nu enentáimtairmesha yaunchu túrutairmesha ajapa iniaisatarum.

²³ Túrarum pénker enentáimsarum wakannium yapajiátarum.

²⁴ Tura yamaram enentáimtairam emetatarum. Nuka Yusjai métek najanamu asa nekas pénker tura shiira nuna tuke túriniaiti.

²⁵ Nu asantai chikichik ayashi muchitmarj asarum wáitrutsuk nekas chicham chicharnaisatarum.

²⁶ Kajeakrum tunáa túrawairap. Tura nu kajekmasha tsawant takamtsuk áchatniuiti.

²⁷ Uunt iwianch yajauch awajtamsatin tsan̄katkaip.

28 Kasasha kasamtsuk kakaram takakmasti. Tura ni uwejéjaj pénker takaak atsumainia nú shuarnasha susati.

29 Muijmiai chicham chichasairap. Antsu chichastin akui pénker chicham, chíkich shuar pénker awajsamnia nu chichastarum. Anturtuinia nuna yáintaj tusarum nu chicham ujaktarum.

30 Yusa Shiir Wakaní kúntuts awajsairap. Warí, Yúsnaiti tusa pujurtamji. Tura pujurtamuk takamtsuk uwemtikramprattaji.

31 Ashí yajauch ana nuyá kanaktiarum. Naki-tratniusha, kajernaikiatniusha, tura kakantrar charáa charáa ajatniusha, katsekmaktincha, tsanumpratniusha mash atsutí.

32 Antsu shiir awajkartin ajasrum waitnen-nairarum, Kristu jakamujaj Yus atumí tunaarín tsankurtampra nútiksarmek tsankurnairatarum.

5

Yus-shuar túratin

1 Nekas Yusa Uchirí aneamu asarum Nii tura núnis túratin wakeruktarum.

2 Kristu in anenmaj núnisrum anenaitiarum. Kame ii tunaarín akikmaktaj tusa jákatniunam surumakmiayi. Túramtai Yus shiir enentáimtusmiayi.

3 Yusna asarum tsanirmatniusha yajauch túratniusha tura jú nuñkanmayañ ikiaunkatniusha ishichkisha enentáimtuschatniuitrume.

4 Natsanmaincha, ántar chichamsha yainmakchamnia asamtai chichaschatniuitrume. Antsu Yus shiir yumĩnsatniuiti.

⁵ Shuar chíkich nuwajaj tsanirmakka tura ashí yajauchin wakerakka tura jú nuñkanmayan ikiaun^ukatniun wakerakka Yusaj Kristu akupea nuⁱ pen^{ké} pachiin^ukiach^uminiaiti. Kame jú nuñkanmayan ikiaun^ukat^uin ántar-yus tikishmatratniua nujaj méte^ukete.

⁶ Nu túramniaiti tusar ántar chicham^ujaj anañk^uramacharti. Warí, nuna túruiniakui Yúsan umirainiachun Yus ti asutiáwartatui.

⁷ Tuma asamtai nu shuar pen^{ké} pachischat^uniuit^urume.

⁸ Yáunchuka atumsha kiritniunam wekainiu^uyarme. Tura yamaikia Krístujaj tsaniñ^ukiu asarum pen^{ké}ker tsáap^uniunium wekaarme. Shuar tsáap^uniunium wekainia nujaj méte^uk wekasatarum.

⁹ Tsáap^uniunium wekainiaka shiir awajkartincha tura nekas chicham^utincha tura pen^{ké}ker túrin áiniawai.

¹⁰ Ii Uuntri^u Kristu wakeramu nekaatin wakerukt^utarum.

¹¹ Kiritniunam wekainia nu túramu pachisairap. Antsu nu shuar tsáap^uniunium en^ukeatarum.

¹² Ni u^uuk túruinia nu áujmatsatin natsanma^uniaiti.

¹³ Tura ashí tsáap^uniunium itiamu ashí paant ajawai. Tsáap^unikia ashí paant awajeatsuk.

¹⁴ Nu asamtai Yus-Papiniunium tawai:

“Kanáruitme nu shintiártá. Jakamunmaya nantáktiá. Tura Kristu tsáap^uin awajturmastatui.”

Tu áarmaiti.

¹⁵ Nu asamtai átum túramu ímiastarum. Nékachu áintsarum pujusairap. Antsu pen^{ké}ker enentáimprarum wekasatarum.

16 Pénker túratin tsawant wasúrkáip. Tunáa ti pampaatsuk.

17 Enentáincha áirap. Ii Uuntri Kristu warinia wakera nu enentáimtustarum.

18 Nampekairap. Nampeakmeka aya yajauch ajame. Antsu Yusa Wakani winia enentáiruı takamtsuk pujurtusti, tu enentáimsatarum.

19 Túrarum Yus shiir enentáimtakrum Yus-kanta kantamkirum shiir áujnaisatarum.

20 Ii Uuntri Jesukristu náarijiaı ashı irunna nu Yus Apa tuke yumiınsatarum.

Yus-shuar túratin

21 Yus-shuar asarum nuámtak umirnaikiatarum. Túrakrum Kristu shiir awajsattarme.

22 Núwaka Krıstun umirna núnisaı ni áishrııncha umirkatniıiti.

23 Kristu ni shuarın akupeana núnisaı áishmanısha ni nuwen akupkatniıiti. Kristu ni shuarın ayashimiak ni muuké áintsankete. Tura nin uwemtikiartiniıiti.

24 Nu asamtaı Yus-shuar Krıstun umirin áiniawai. Núnisaı ashı ana nujai nuwaı ni áishrıın umirkatniıiti.

25 Kristu ni shuarın ti aneak nin yáııntaj tusa jákatniun surumakmiayi. Núnisrumek áishmantirmesha atumi nuwé aneatniıitrum.

26 Kristu ashı ni shuarın ni Chichamejai tura entsajai nijiar ní shuar péıker árat tusa jakamiayi.

27 Nujai ashı ni shuarın tunaarinniıuchu tura yajauch máatrachu antsu ti penıker shiir awajas Niınıı ejetaj tusa túramiayi.

28 Núnisaı áishmanı ni ayashın anea núnisaı ni nuwen aneatniıiti. Shuar ni nuwen aneak nujai ni ayashıncha aneawai.

²⁹ ¿Yaki ni ayashín nakitniuit? Antsu péñker wáiniuk áyureatsuk. Kristu núnisañ ni shuarín wainiui

³⁰ ni ayashí asamtai. Kame ni ayashí muchit-marintji.

³¹ “Tuma asamtai áishmañ ni aparíncha nukuríncha ikiukin ni nuwejaj tsaniñkiar chikichik ayashtin ajainiawai.” Tu áarmaiti.

³² Nusha Kristu ni shuarijijaj tsaniñmán tawai. Nuka yaunchu nekaachma yamaikia nekanaiti, tura ti enentáimturiniaiti.

³³ Tura núnisañ ashí áishmañtiram atumí nuwé atumí ayashía nútiksarmek aneatniuitrume. Nuwasha ni áishrín umirkatniuiti.

6

¹ Uchitirmesha, Yus-shuar asarum apasha nukusha umirkatarum. Nuka ti péñkeraiti.

² Emka akupkamu “umirkam nekas shiir átatme” tana nu júiti:

“Apasha nukusha umirkata.

³ Túrakmeka shiir átatme tura jú nuñkanam untsurí tsawant pujustatme” tawai.

⁴ Atumsha, uchirtintirmesha, atumí uchiri ántrarum akajkairap. Antsu Yúsan shiir enentáimtusarat tusarum ti péñker jintinkirum tsakatmartarum.

⁵ Takakmautirmesha, atumí uuntri ju nuñkanam pujuinia nu ti peñker umirkatarum. Kristu umirkatniua áintsarum wishiktsuk ashamakrum tuke enentáijijaj takarsatarum.

⁶ Aya wáitmakui shiir enentáimtursat tusarum péñker takarsairap. Antsu Kristu takarniurja

núnisrum ashí ame enentáimjaj̄ Yus wakera nu túratarum.

⁷ Aya shuárnak yayá nútiksarum takasairap. Antsu ii Uuntrī Kristu takarsatniua nútiksarmek ásump enentáijjaj̄ takastarum.

⁸ Kame chíkich chíkich ni takasmajaj̄ métek akinkiartatui. Ii Uuntrī Kristu nu shuar péñker túramujaj̄ métek akiktatui.

⁹ Tura atumsha, iniamniutirmesha, atumí takartamu wakaní mántutsuk shiir enentáijjaj̄ iniartarum. Nekas enentáimpratarum. Ii Uuntrī nayaimpiniam pujana nuna niisha atumjaj̄ métek umirainiawai. Tura Yuska ashí shuaran akantsuk métek iyawai.

Yusa kakarmarijjaj̄ íwianch taritratarum

¹⁰ Wátsek, yatsuru, ii Uuntrī Yusjaj̄ tsanínkiu asarum ni ti kakarmarijjaj̄ iwianchjaj̄ máanaiktin kakaram ajastarum.

¹¹ Apach máanainiak jiru entsarua núnisrum Yus susamujaj̄ entsartarum. Nujaj̄ íwianch nupet-tamkui tariartatme.

¹² Kame Yusna takáa asar penké áentsjaj̄ máaniatsji antsu yajauch wakan kakaram írunka nujaj̄ máaniaji. Niisha ju nuñkanam, kiritniunma áintsan̄, tunaanum wekainia nuna akupin áiniawai.

¹³ Jiru entsartinia áintsarum Yus súramna nu entsartarum. Nu entsarmajaj̄ itiurchat tsawant taritra nupetkarum tuke tariarum wajastatrume.

¹⁴ Wats, nekas tariartin nekas chicham emen-mamatarum. Tura péñker túratniujaj̄ jatairum ajaktarum.

¹⁵ Suntar iwiarnak sapatan aweá áintsarum Yusa shiir chichame etserkatin iwiarnartarum.

16 Nuyasha ashí nankaamas, tantar takustinia áintsan, Yus tuke nekas enentáimtustarum. Nujai íwianch eke|ám
| |
kamusha uwemturtatme.

17 Múukem ajaktincha Kristu uwemtikrampramu múukmiin etsenkrutarum. Tura Yus-Chicham puniáa áintsan achiktarum. Nuka nekas Yusa Wakaní puniarinti.

18 Yusa Wakaníjjai Yus áujeakrum tuke seatniuitrume. Tura tuke aneara pujustarum wake mesetsuk, tura ashí Yus-shuar ainia nusha Yus áujtustarum.

19 Núnisan winiasha áujtursatarum. Wi sepunam pujayatan Yus winia chichastinian surusat tusarum seatritiarum. Tura wi chichaakun sapijmiatsuk Shiir-chichaman yaunchu nekaachma paant awajsat tusarum áujtursatarum.

20 Yus nu chichaman etserkatniun akuptukuiti. Nuna túrakun sepunam pujajai. Sapijmiatsuk etserkat tusarum Yus áujtursatarum.

Amikmaamu

21 Ii aneamu yachi, Tíkikiu, ashí wi túramun ujamaktatui. Niisha Ii Uuntri Krístunu etserkatniun ti penker yáinniuiti.

22 Tuma asamtai ii jui pujamun ujamak ikiantamprarat tusan akuptajrume.

23 Yus Apasha tura ii Uuntri Jesukrístusha ashí Yus-shuartirmin anenmak shiir imiatkinchanum pujustinian suramsarti. Tura Nin tuke nekas enentáimtustinian suramsarti.

24 Ashí ii Uuntri Jesukrístun tuke enentáijjai aneana nuna Yus shiir yáinti.

Nuke atí.

**Yus Papi: Shuarjai Yus Yamaram Chicham
Najanamu
New Testament in Shuar (EC:jiv:Shuar)**

copyright © 2012 Wycliffe Bible Translators, Inc.

Language: Shuar

Translation by: Wycliffe Bible Translators, Inc.

Shuar [jiv], Ecuador

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Shuar

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

please contact the respective copyright owners.

2014-04-30

PDF generated using Haiola and XeLaTeX on 1 Oct 2024 from source files
dated 29 Jan 2022

fb10d1f0-e2d5-5d8e-8a74-10846708c857